

欽定滿洲源流考

400

34

13



卷七
之九

欽定滿洲源流考卷七

部族七

完顏

五代

金史世紀金之先出靺鞨另條氏古肅慎另條

見前地也五代時附屬於契丹在南者籍契丹

曰熟女真在北者不在契丹籍號生女真按

洲語稱國初所屬曰佛滿珠謂舊滿洲也

新附編入旗分者曰伊徹滿珠謂新滿洲也

此所云生熟蓋即新舊之意生女真地有混同江長白山

所謂白山黑水也金之始祖諱哈富舊作初

從高麗來按通考及大金國志皆云本自新羅來姓完顏氏考新羅與高麗舊

地相錯遼金史中往往二國互稱不為分別

以史傳按之新羅王金姓相傳數十世則金

之自新羅來無疑建國之名亦應取此金史

地理志乃云以國有金水源為名史家附會

之詞未足憑耳居完顏部布爾噶滿洲語叢柳也舊

水之涯生二男長曰烏嚕舊作次曰斡魯遂鳥魯

為完顏部人至獻祖徙居海古勒蒙古語行軍殿後也

舊作海古水耕墾樹藝始築室有棟宇之制今改正

自此遂定居于阿勒楚喀舊作安水之側矣出虎



按金史云國言金曰安出虎以安出虎水源
于此故名金源考滿洲語稱金曰愛新與安
出虎音不相涉大金國志亦祇言國產金及
有金水源其以安出虎為金蓋作史者強加
附會猶黑水掬之微黑鴨淦江色若鴨頭之
論耳金自始祖四遷至此後為上京故地實
與今阿勒楚喀拉林河六世至景祖稍役屬
源相近詳見下疆域門

諸部修弓矢備器械前後願附者眾鄂敏舊作

幹水富察舊作蒲察部特克新特布舊作泰水完

顏部圖們舊作統門案圖們江在今寧古塔城南六百里源出長白山水

温特赫舊作温迪痕部舍音舊作神隱水完顏部按此

顏部蓋族姓之散居者皆相繼來附

大金國志金國本名珠里真謹案本朝舊稱滿珠所屬曰

珠申與珠里真音相近但微有後訛為女真緩急之異實皆肅慎之轉音也

或曰慮真肅慎氏之後渤海另條之別族也見前

唐貞觀中靺鞨來中國始聞女真之名按通考云

五代時始稱女真據此世居混同江之東長

白山下南鄰高麗北接室韋西界渤海東瀕

海三國志所謂挹婁另條元魏所謂勿吉另條

見前唐所謂黑水靺鞨者今其地也其屬分六

部有黑水契丹目為混同江按混同即松阿哩江雖下流與

黑龍江會實係二水此合為一亦誤

居江之南者謂之熟女真

以其屬契丹也江之北為生女真亦有受宣

命號太師者契丹自賓州混同江北八十里

建寨以守之契丹恐女真為患誘豪右數千

家處之遼陽之南使不得與中國往來謂之

哈斯罕

滿洲語藩籬也據云不得與本國往來實有防閑之意舊作合蘇欵又作

易蘇館今改正自咸州東北分界入山谷至凍沫江

案凍沫即混同而志並稱中間所居之女真

蓋誤以混同為黑龍江也隸咸州兵馬司謂之輝發

舊作回霸亦作回極遠而野居者謂之

黃頭女真又居凍沫江之北寧江州之東地

方千餘里戶十餘萬族帳散居山谷無國名

自推豪傑為長小者千戶大者數千戶蓋七

十二部落之一也或云金祖本新羅人號完

顏氏傳至太祖以其國產金及有金水源故

稱大金

按志但言有金水源未嘗以安出虎為金考金源之稱始於遼中京有金

源縣以地有金甸為名金元並因之在今喀喇沁右翼地則金源之稱固與安出虎無涉

欽定滿洲源流考

卷七

部族

三

遠英峩門之間東北至松阿哩江約六七百里今有輝發河國初尼瑪察部人旺吉努

于河邊築城以居因號極遠而野居者謂之

輝發國蓋猶沿其稱也

且金本紀載太祖建國之詔曰賓鐵雖堅終亦變壞惟金不變于是國號大金是併未嘗因水取名矣

通考女真蓋古肅慎氏五代時始稱女真後避契丹主宗真諱更爲女直俗訛爲女質安巴堅舊作阿保機吞北方三十六國此其一也

遼

通考安巴堅遷女真豪右數千家于遼陽南而著籍焉謂之哈斯罕哈斯罕者熟女真也隸咸州兵馬司者謂之輝發輝發者非熟女

欽定滿洲源流考

卷七

部族

四

真亦非生女真也自涑沫江之北寧江之東地方千餘里戶十餘萬無大君長亦無國名小者千戶大者數千則謂之生女真宋建隆後屢遣使來淳化時契丹伐女真女真衆纔萬人而弓矢精勁又爲灰城以水淋之爲堅冰不可上距城三百里燔其積聚設伏于山林間契丹旣不能攻城野無所取遂引騎去大爲山林之兵掩襲殺戮大中祥符三年契丹征高麗道由女真女真復與高麗合兵拒

之契丹大敗而還自天聖後屬契丹世襲節

度使兄弟相傳其帥本新羅另條見前人號完顏

氏女真服其練事以首領推之自哈富解見前此

又作龕福今併改按此所載諸名與金史異同者頗多今俱從金史改正仍注原文于下

後同以下班班可紀哈富生烏嚕舊作訛魯烏嚕生

雅哈舊作洋海雅哈生蘇赫舊作隨潤蘇赫生實魯實

魯生呼蘭舊作胡來呼蘭三子伯曰和勒博舊作核里

頗叔曰富勒蘇舊作蒲刺束季曰伊克舊作楊割伊克

聚族帳最多謂之伊克太師能用其人遂稱

欽定滿洲源流考

卷七

部族

五

強諸部賦歛調發刻箭為號事急者三刻之

粟粥燔肉為食上下無異品和勒博四子長

曰烏魯斯舊作吳喇束次太祖次太宗次日賽音

舊作撒也永昌八年秋太祖盡得遼東長春兩路

始稱皇帝建元天輔改國號大金

契丹國志女真國乃肅慎故區也地方數千

里戶口萬餘無大君長立首領分主部落地

饒山林契丹於長春路置東北統軍司黃龍

府置兵馬都部署司咸州置詳衮舊作詳穩司分

隸之黃頭女真皆山居號哈斯罕

按此又合二部為一

蓋契丹志為葉隆禮所撰傳聞之詞未得其真也

其人勇鷲契丹每

出戰皆被以重札令前驅

契丹國志東南五節度熟女真部族共一萬

餘戶皆處山林尤精弋獵其地南北七百餘

里東西四百里西北至東京五百餘里又次

東南至熟女真國其地東西八百餘里南北

千餘里居民皆處山林耕養屋宇與五節度

同無首領統轄至東京二百餘里東北至生

欽定滿洲源流考

卷七

部族

六

女真國居民屋宇耕鑿言語衣裝與熟女真

並同精於騎射前後屢與契丹為患契丹亦

設防備南北二千餘里沿邊創築城堡屯守

其南界西南至東京六百里

遼史營衛志阿延

滿洲語尊大也舊作奧衍今改

女真部聖

宗以女真戶置隸北府節度使屬西北路招

討使司戍鎮州境自北至河西部皆俘獲諸

國之民初隸諸宮戶口蕃息置部訖于五國

皆有節度使伊德

蒙古語令食也舊作乙典今改

女真部聖

宗以女真戶置隸南府居高州北國外十部有長白山部

遼史兵衛志伊德女真部隸西南路招討司又有東北路女真兵馬司又高州屬國軍有北女真南京女真女真哈斯罕輝發

金

金史本紀收國元年正月壬申朔羣臣奉上尊號是日卽皇帝位上曰遼以賓鐵爲號取其堅也賓鐵雖堅終亦變壞惟金不變不壞

欽定滿洲源流考

卷七

部族

七

金之色白完顏部色尙白於是國號大金改

元收國

按金開國以後具詳金史茲不復載

大金國志女真靺鞨之後也其國在元魏齊周之時稱勿吉至隋稱靺鞨地直長安東北六千里東瀕海分爲數十部有黑水白山等名後爲奚契丹所攻部族分散其居混同江之上者初名女真乃黑水舊部

大金國志女真在契丹東北隅地饒山林國初之時族帳散居山谷地千餘里無城郭居

止自後并遼得大遼全盛之地深入中原舉
大江以北皆有之疆宇始廣矣

元

〔元史地理志〕開元路古肅慎之地隋唐曰黑
水靺鞨後屬渤海渤海衰弱黑水復有其地
卽金祖之部落也元初立開元南京二萬戶
府又設軍民萬戶府五分領混同江南北之

地

並見後疆域門

其居民皆碩達勒達

舊作水達達今改正

女

真之人各仍舊俗以射獵爲業設官牧民隨

欽定滿洲源流考

卷七

部族

八

俗而治

謹按金始祖本從新羅來號完顏氏所部稱
完顏部新羅王金姓則金之遠派出於新羅
所居有白山黑水南北之境二千里而遙固
與

本朝肇興之地輪廣相同大金國志言金國本
名珠里真與

本朝舊稱所屬曰珠申相近實卽肅慎之轉音
也五代以後盡得靺鞨舊部于是女真之名

始著考之遼史有繫籍不繫籍之分繫籍者
惟遷居遼陽南之數千家所謂哈斯罕大王
不繫籍者亦間有節度太師之號所謂長白
山太師輝發部太師是也金景祖亦曾受遼
太師之稱而終不肯受印繫籍遼人于邊境
南北二千餘里築城置戍蓋其震懾兵威者
至矣自始祖八世十帝遂至太祖應運造邦
滅遼臣宋迹其初起衆未滿千洵由山川鍾
毓騎射精嫻故能所向無前光啟方夏也奇
功偉績具詳金史茲錄其開國時舊部分合
之由而完顏氏之隸籍八旗者具載姓氏通
譜至若上京及呼爾哈海蘭諸路建置之詳
則別載於後疆域門云

建州

唐

〔新唐書〕渤海傳率賓故地爲率賓府領華益

建三州

按建州之名始見於此考率賓故地在
今吉林烏拉境遼地理志云康州

世宗遷率賓人戶置所屬有率賓縣志云本
渤海率賓府地考遼康州及率賓縣俱屬顯

欽定滿洲源流考

卷七

部族

九

州爲渤海顯德府地在今廣寧境當亦遷率
賓人戶所置非故府地蓋遼志固別有率賓
府在涑州定理之間也又鴨綠江本名益州
江則益州亦去長白不遠渤海建州固與
國初所統之
地相近矣

遼

遼史營衛志孝文皇太弟敦睦宮以渤海

另條

見建瀋巖三州戶置屬州三建瀋巖

按此爲建州移

于西北之始志云以三州戶置明非渤海建州之舊率賓故地在遼爲東京此屬中京遼史所謂在靈河之南者是也

遼史地理志中京道興中府本號霸州彰武

欽定滿洲源流考

卷七

部族

十

軍節度制置建霸宜錦白川等五州建州保

靜軍節度使唐武德中置昌樂縣太祖完葺

故壘置州

按此云置不言仍渤海之舊其非率賓故地明矣

漢乾祐

元年石晉太后詣世宗求於漢城側耕墾自

贍許於建州南四十里給地五十頃州在靈

河之南

按靈河以元一統志考之當卽凌河

屢遭水害聖宗遷

於河北唐崇州故地初屬武寧軍隸永興宮

後屬敦睦宮統縣二永霸永康

按此則建州再移於遼聖

宗時其在靈河之南者遼初所置州城是也在靈河之北者自聖宗以後至金元相承不

改考 大清一統志在今喀喇沁及土默特
地故城在土默特右翼西南一百二十里周
二里餘四門與喀喇沁
左翼毗連明屬三衛

契丹國志節鎮三十三處有建州

金

金史地理志建州保靖軍刺史遼初名軍曰

武寧後更今名金因之領縣一永霸唐昌黎縣地

大金國志刺史七十五處有建州按金承遼舊非渤海

建州故地也

元

欽定滿洲源流考 卷七 部族 十二

元史地理志大寧路唐初屬營州貞觀中置

饒樂郡遼為中京大定府金因之元初為北

京路總管府領川建等十州元至元七年改

北京為大寧仍領川建等州按元承遼金之舊非渤海之建

州也

元一統志金上京故城古肅慎另條見前氏地按

圖冊所載京之南曰建州京之西曰賓州又

西曰黃龍府北曰肇州府之東曰永州曰昌

州延州東北曰尼嚕干城皆渤海遼金所置

州縣並廢城址猶存海蘭河經故建州東南
一千里入於海混同江北流經故建州五十
里會諸水東北流經故上京下達五國頭城

按此所云故建州蓋渤海之舊在金上京之
南者金之上京自開原東抵寧古塔自長白
北抵阿勒楚喀幅員甚廣考金地理志云上
京山有長白青嶺水有阿勒楚喀混同江拉
林河皆在今吉林境又云東至呼爾哈路六
百三十里西至肇州五百五十里東南至海
蘭路一千八百里呼爾哈河在寧古塔城旁
海蘭河在寧古塔城南四十里據四至以
求其中則金上京正在今吉林城東北阿勒
楚喀河旁而渤海之建州東去松花江北流
之所五十里東南去海蘭河一千里亦在吉
林境明初土人猶沿舊稱耳又按大清一

欽定滿洲源流考

卷七

部族

十一

統志海蘭河有五皆在寧古塔吉林境內一
入呼爾哈河三入混同江皆去海遠惟在寧
古塔城南四百一十里源出無名山者東流
會布爾哈圖河入海元志所云海蘭應卽指
此也並詳後疆
域及山川門

元一統志確觜河在大寧路金源縣西東南
入建州境合于靈河凌河在大寧路與中州
源出龍山縣經本州下流達建州境大凌河
自建州界流經興中州東南下流入義州境
凌水在大寧府建州南五里自富庶縣流至
本境四十里入興中界一云發源龍山縣南

八十里東北流百里入利州界又北經富庶
縣東南三十里入建州境按此所云建州蓋
元時大寧所領卽
遼時以渤海建州人戶移置者在凌河南者
故城在錦縣西北在凌河北者故城在土默
特右翼西南皆非渤海之舊也金源龍山富
庶並元大寧路屬縣今屬喀喇沁土默特界

明實錄永樂二年置建州衛十年置建州左
衛宣德七年置建州右衛
謹按建州爲

本朝岐邠故地州置於渤海本在今吉林境至
遼時一移於凌河之南再移于凌河之北金

欽定滿洲源流考

卷七

部族

三

元相承置節度刺史而建州遂在今錦州邊
外喀喇沁土默特之間大抵東土州郡之名
多始於渤海而移于遼遼志所載襲渤海之
名而易其地者十居七八如率賓府遼遷其
人戶于今廣寧謂之率賓縣而其故地仍有
率賓府在涑州定理之間涑州以涑沫江各
定理府據一統志爲

與京而率賓府與之相連則所領之建州實卽
國初所統之建州也以元一統志考之其祇稱

建州者屬興中府在凌河南北爲遼金所置
明屬烏梁海其稱故建州者近混同江北流
之所卽渤海所置是州雖已移而故地相傳
舊稱尙在明初因以名衛耳迨我

肇祖原皇帝始居赫圖阿拉是爲

興京實右衛之地舊邦

新命王迹

肇基恢天作之

鴻模啟億年之

欽定滿洲源流考

卷七

部族

十四

景運嗣後若棟鄂哲陳蘇完及海西之烏拉哈達輝
發葉赫長白山之訥殷珠舍哩以至瓦爾喀
呼爾哈黑龍江諸部並入版圖東極使犬諾
羅諸部罔不率先臣服

東京

盛京以次

締創

出震

乘乾有用必先矣

附金史姓氏考

案金史所載姓氏均與滿洲氏族相合第譯對字訛今悉據八旗姓氏通譜改正仍依百官志所載序次如左

完顏 金始祖自新羅來居完顏部因以為氏

溫特赫 舊作溫迪罕今改正史云圖們江水溫特赫部景祖時來附

瓜爾佳 舊作夾谷

布薩 舊作僕散

珠格 舊作木虎又作準葛今併改

欽定滿洲源流考

卷七

部族

十五

伊勒圖 舊作移刺答

沃呀 舊作幹勒

旺扎卜 舊作幹準把

阿布哈 舊作阿不罕

珠嚕 舊作卓魯

輝特 舊作回特

輝罕 舊作黑罕

輝羅 舊作會蘭

徹木袞 舊作沈谷

賽密呀

舊作塞蒲里

烏克遜

舊作烏古孫

舒爾圖

舊作石敦

卓特

舊作卓陀

烏蘇占

舊作阿厮準

博提斯

舊作匹獨思

博爾濟克

舊作潘朮古

烏實拉

舊作暗石刺

舒古蘇

舊作石古若

欽定滿洲源流考

卷七

部族

十六

珠爾罕

舊作綴罕

光嘉喇

舊作光吉刺

以上皆封金源郡

費摩

舊作裴滿

圖克坦

舊作徒丹

温都

舊作温敦

烏凌阿

舊作兀林答

阿克占

舊作阿典

赫舍哩

舊作紇石烈

納喇

舊作納蘭

富珠哩 舊作孛尤魯

珠勒根 舊作阿勒根

納哈塔 舊作納合

實嘉 舊作石蓋

布希 舊作蒲鮮

瓜爾佳 舊作古里甲

阿達 舊作阿迭

尼瑪蘭 舊作聶摸樂

穆延 舊作抹撚

欽定滿洲源流考

卷七

部族

七

納塔 舊作納坦

烏蘇 舊作兀撒惹

烏新 舊作阿鮮

拜格 舊作把古

温都遜 舊作温古孫

諾延 舊作赫盃

色赫哩 舊作撒合烈

烏色 舊作五塞

哈薩喇 舊作和速嘉

納雅 舊作能偃

阿里 从原文

巴爾 舊作班兀里

尼沙 舊作聶散

富色里 舊作蒲速烈 以上皆封廣平郡

烏庫哩 舊作烏古論

烏雅 舊作兀顏

鈕祜祿 舊作女奚烈

通吉 舊作獨吉

欽定滿洲源流考

卷七

部族

六

洪果 舊作黃捫

延扎 舊作顏蓋

博和哩 舊作蒲古里

必喇 舊作必蘭

斡哩 舊作斡雷

都克塔 舊作獨鼎

尼瑪哈 舊作尼麗窟又作尼麗古今併改

托羅特 舊作拓特

赫舒 舊作盍散

沙達喇 舊作撒答牙

阿蘇 舊作阿速

薩察 舊作撒剌

卓多穆 舊作準土谷

納木都魯 舊作納諾魯

雅蘇貝 舊作業速布

額蘇哩 舊作安煦烈

愛新 舊作愛申

納克 舊作拿可

欽定滿洲源流考

卷七

部族

十九

古勒渾 舊作貴益昆

幹色 舊作温散

索歡 舊作梭罕

呼雅 舊作霍域 以上皆封隴西郡

唐古 舊作唐括又作同古今併改

富察 舊作蒲察

珠嘉 舊作木甲

蒙古 从原文又作蒙刮亦作蒙括今併改

伯蘇 舊作蒲速

鄂屯 舊作奧屯

錫默 舊作斜卯

愛滿 舊作諳蠻

都克塔哩 舊作獨虎木魯

摩年 舊作磨輦

伊年 舊作益輦

托諾 舊作帖暖

蘇伯林 舊作蘇孛輦 以上皆封彭城郡

欽定滿洲源流考

卷七

部族

三